



甌東私錄卷之九

政類上

守撫廬河間三府通行 凡十條

撫州府

呈議地方事 凡六條

禁諭士民事 凡七條

廬州府

議刻軍民賦役冊 凡一十八條

附刻賦役冊 凡九條

呈請立橋便民事



溫州圖書館
WENZHOU LIBRARY

清卷宗以杜奸弊事

作養人材事凡三條

量革吏役頂頭事

請巡撫周約菴禁止賀年帖

河間府

親註憲綱文冊事宜凡十二條

議處審編均徭凡二條

行令委官審編凡十條

請停戰馬馬料事

請貸饑民子種事

請公撥補以清吏役事

省州縣所屬費詔科擾事

呈巡撫丁滄源河間機務帖凡七條

謝巡按閻石閭會舉轉官帖

啓聖公祀禮議

分兵守滹沱河議

行香查點諸生牌

甌東私錄卷之九

政類上


守撫廬河間行

永嘉項喬撰

三府通行要約

予賤性頗嗜讀書亦嘗嗜酒及入官至今不飲
 酒不好彈棋寫字作詩談畫每日自信視官如
 家真有惟日不足意思然惟想守府之時猶得
 自行其志夜之所思畫即可致之百姓身上自
 陞副使以後每日奔走鞠躬偷閒畧幹公事而
 已然使一府歷俸三年雖薄劣亦或有成功處
 如其調移三郡即使如龔黃召杜所及幾何徒
 羸得名聲好聽而已故錄此舊案不覺惕然

一本府任所去原籍儘遠在籍原無遠遊之親在任
 决無秋風之客竊念一錢雖小施之行道之人則



爲恩百錢雖多授之秋風之客則爲怨借使盡足其欲亦是爲所識窮乏者得我而爲之此之謂失其本心各屬官如遇指稱本府親故在地方有所求爲者即係詐僞即將歇家并本犯挈問招詳聽候詳允解道如有阿承一體重究

一本府買辦見價買者俱用花押信牌刻期領價者俱用半印號票買辦人等如不奉信牌號票不許各舖行答應如私竊信牌照取及私與家人傳買一物者許各役首發重治如不首查出罪同

一知府牧民官也必欲恩澤及民惟在屬官守法屬官惟患不能賢不患賢聲不能上達如其志不在民而貪酷無厭權移于下而罷軟無爲則是民之殃也事發或訪知定行叅問不恕

一養士以得真才爲急學問以求放心爲先布衣常帶存心愛物至爲人所尸祝公侯卿相不能樹立或使後裔耻以爲先各州縣學校官員務教生儒以身心之學使學有根源而不徒事於利祿庶稱國家爲民養士之意其月考季考工夫自不相妨規矩自不可廢毋令至期脫誤以致學政荒迷一見行禁例不係掌印不許准狀訪得各州縣佐貳

首領擅接民詞專差積年皂快勾攝生事百端今
後掌印官准狀提人已齊方許送與分理仍置印
信號簿一扇每號五十張佐貳首領遇有應行公
事關呈到堂類給印信號票方許差人拘勾事完
繳堂聽本府不時吊查如無印信者即係詐偽許
被拘者就將原票原差同地方擒拏送府以憑問
發其本府首領官合如各州縣一體遵照施行又
照本府佐貳官徃徃上司有行徑問難以一槩拘
束合行各州縣將本府佐貳官一應有行月終開
申本府知會

一 本府或有不公不明不法等事及衙門中有積弊
未革者許各州縣官員不時其印信職名揭帖遍
稟以憑審處施行其諸人能直言無隱者許於朔
望日期呈報仍與重賞

一 政重正名禮戒誥瀆今後各州縣官員由學校出
身者不許稱爹吏胥人等不許稱爺叅謁除生儒
外雜職以上止許兩拜主簿以上不許磕頭違者
叱責

一 本府於原被告俱無偏私惟牌到狀到原告五日
內不接到不與提人至一月不到原詞繳回立案

仍止嚴提原告徑坐誣告罪名若原告到行牌三
次而被告不發者申詳定提該發衙門該吏重治
不恕此條刻刷詞狀
上面發屬施行

一強竊盜賊率由蕩子賭博飲酒宿娼所致地方大
患率由無籍僧道假稱說卷夜聚曉散所為以後
遇此等人擒來重治

一保長保副十家牌法不惟可以弭盜安民且可平
搖均賑所謂一事舉而衆善集者今後各屬務要
着實舉行毋得虛應故事

守撫行

予嘉靖八年選主事十四年出守撫俗尚氣或
謂詞訟須三七調停庶免纏擾然予只以情理曲
直斷之不徇徇也予師王鶴山語予江西人雖尚
氣然却有公論汝有一分好他便說汝一分往哉
汝慎不患聲名不上達也計予在撫僅半年
而撫人至今頌聲不絕信公論之有在也

呈議地方事六條

撫州府為地方事抄蒙撫按案驗奉都察院勘劄
俱為前事該知府項喬議照生民休戚實關地方
利弊除本職所已知而力能行止者徑示禁令外
其關係重大事件應議而后行者理合開款關府
轉呈撫按詳察施行

一治刁頑以簡詞訟本府六縣之民以徒訟爲生而
崇仁樂安其尤甚者每因戶婚田土鬪毆小事輒
駕誣人命強盜聳動上司上司視人命強盜豈有
不准行者然自准行之後彼此歛錢私相和息該
縣奉文勾攝百無一出間或嚴加拘追反被打毆
公差或牽告公差詐害吏書塌案甚則聚衆懸激
變之旗以脅制官府致使公差畏如翼虎不敢一
至其門官吏恐惹事端不敢復與之較因此錢糧
經年拖欠而糧里有抱空之輸詞案積年不了而
官吏坐違慢之罪皆此輩積習之所致也合無通

行府縣凡奉到上司原被告詞有三箇月以上不
到官者即許立案呈繳完銷前件其不服勾攝恃
頑抗拒者許令府縣設法處治或令兵快地方協
拿或徧勾族屬監併間有赴告塌案激變等情者
量行責治不與准理庶刁頑不得逞其志案不期
結而自結訟不期簡而自簡矣

一甦貧困以清卷宗查得本府及各縣不完文卷無
累數百件上司催提牌票無累數十年本職到任
之初搖頭吐舌視爲異事及今處之無可柰何然
其間亦有可擬議者有遠年犯罪遇革無贓而上

司批申有名照提未了者有因紙劄監追半年以上不能完納者有因贖罪監追一年以上如果貧難者有給主入官贓物十餘兩以上正犯身死猶拘家屬監追者有監追贓物十兩以下屢經勘無家產者或應與開呈奏請或例應蠲免改擬發落然而未得開豁者非上司之過也職由府縣過避嫌疑又恐下民轉相推捱不肯遽與申豁以致追提未了耳自本職到任以后一應奉行詞訟人犯有力無力務求審問明白方許招詳決不敢以積穀多餘貪求獎勞輒以無力爲有力其以前各

項合無候申詳允日行與各縣照例通查申豁庶貧困之囚得沐更生之惠而中才之官亦不致取無能之誚矣

一查虛糧以救民害查得臨川等六縣共有虛糧八千七十七石四斗六升八合二勺俱各無徵推究所由蓋因富豪大戶通同里書作弊飛灑懸吊或有冊而無實徵或有總而無撒數或重則改作輕則或一畝止收一分或花分子戶而假捏名姓或灑入絕甲而開作逃亡或平空飛入都總或有除而無收一遇追徵查無下落糧長收戶只得代賠

或賤不敷而禍延里甲多者貼銀七八兩少不下四五兩是富者有田無糧而貧者無田代納破家蕩產控訴無門以致賦稅連年不完差役往往不均蠹政害民莫此爲甚間有縣令賢明欲正其弊又恐富豪之家力足以制鄉民智足以籠官府誹謗百端動引佃戶子姪頂別姓名數十餘群赴上伸訴上司未訊其端而下官反得罪焉故寧因仍苟且挨歷歲時誰肯舉事興功自取不測之禍哉伏乞俯憐民病痛革弊端專委能事官一負將徵黃二冊逐一清查以里而合都之數以都而合縣

之總務求下落刊刻印板以杜日後翻異欺隱者量饒罪名而着令從實改正久慣作弊者嚴治一二人以警其後則下官有所憑而得行其志奸民有所畏而不敢爲誣田有定數糧有定額民困豈不可以少舒乎不然奸弊日甚虐糧日增官府畏謗而束手無爲小民含冤而縮首待斃矣

一禁侵欺以杜局騙凡各縣坐派水竹菜筍白圓藤白硝麂皮茶蠟等項錢糧官府追徵經年累月方得完報民亦減削衣食至有典賣兒女方得完官却被一等光棍不安生理專一府縣上下打點領

解錢糧到手視爲己物或取妾放債或買田蓋屋
或宿娼飲酒故買荒地荒田以爲後來出脫之地
上下彌縫恬不介意或遇敗露即告官願賣家產
迺以荒田荒地扯告遠親富戶承買得錢賣放又
告別家沿門嚇詐大開騙端官府欲了前件姑爲
准拘而不知平民受害之甚伏乞嚴行府縣自後
凡起解錢糧務要殷實行止人戶差撥押解仍取
府縣官吏不致通同冒領結狀粘連申文方許解
司又行布政司凡遇錢糧起解之時務取本司吏
書不致夤緣通同攬解結狀附卷後有侵欺事發

查其自府領出不曾解司者罪及府縣官吏查其
自司領出不曾解部者責及司吏書庶上下相維
彼此相制奸弊或無所容矣至於告賣家產又乞
禁行府縣止令同宗共族之人承買次及姍眷蓋
宗族姍眷於此等侵欺之人家道殷實田土有無
知之必真如果富耶彼必當官指証決不容其隱
護而自取承買之累如果貧耶不得已承買今次
受累後或有聞侵攬錢糧者宗族親眷決不肯容
或陰行阻止或首告官司庶侵欺之弊可免錢糧
可保無虞矣

一鈐軍士以保地方舊設守禦千戶所軍士以保守
撫州一府地方近來軍政廢弛老弱參差衣甲不
修弓矢不備或虛寄空名而出入買賞或多爲軍
職伴當差使而不曾操習或已逃故不開勾補而
旗甲通同軍職冒支糧米或年未及十六妄報成
丁以支錢糧私與旗甲均分一遇上司按府臨時
借貸衣甲弓弦聽點及雇倩壯丁頂冒逃軍故軍
名字應官廢弛凌夷地方何賴至於領給月糧本
府又止依本所開報花名照數支給漫無查考伏
乞垂念地方嚴行本府佐貳官一員每月一次到

所點聞記其身材高矮以驗頂替審其年貌瘦壯
以便勾補查其有無逃亡事故以革冒支至開操
之時亦每月一次操練以習其步武驗其器械考
其弓弩仍嚴行本所軍職聽令本府委官按月點
閱操練庶府所相維人心知警軍皆壯丁而無冒
名頂替之弊糧有實用而無冒支侵尅之奸不然
則軍士徒擁虛名職官相爲容隱其流之弊將有
不可勝言者矣

一處解戶以省民財本府所屬臨川等六縣節奉上
司明文派取大木解戶及聽差解戶每名該銀六

十兩於該年均徭內編餉內有首戶貼戶譬如首戶有力該編十兩又將別戶零碎編湊五十兩以爲貼戶其首戶自到貼戶之家催取恣意科索習以爲常今查得各縣編餉解戶俱是積年攬頭百計鑽求人情畜緣攬解私到貼戶之家虛駕苦差名色乘機欺騙每官價銀一兩勒銀三兩積筭每名私科銀一百八十兩在家運用名爲聽候差解而鄉都小民含冤負屈不可勝言及至起解又驛速營取口糧沿途撥夫遞送前項一百八十兩之銀從何支用剝民利已罪不容誅伏乞嚴行府縣

自後編餉均從每縣每年寧多編解戶十名預候取用每名照舊編銀六十兩首戶貼戶通追銀兩在官遇有行文派取即首戶到官領銀六十兩前去應解不得私自下都科取貼戶如無明文取用前銀作正支銷則攬頭不得爲奸小民不致受害

禁諭士民事 七條

一爲校士事照得本府於學校有提調之責則試其文藝而殿最之亦鼓舞作興之機也就經行據本府及臨川縣儒學各具手本開送通學生員到府出題考試發落外今照各縣擬合吊考爲此除外

牌仰本縣官吏照牌事理即行掌印官將本縣儒學廩增附生員查訪文藝優長者選舉二三十名限九月初三日赴府考校間有文藝未優而行檢卓異象所推讓者每縣亦選數名送府以憑勸懲施行

一爲禁革訟師以安地方事訪得臨川等六縣庶民之家延師教子不以讀書爲緊要專習詞訟爲身謀所以教書之人多是珥筆之輩或一家停一箇或三家共一箇名曰教書實則教訟遂使人家子弟少而習之長而恬不知恠專一以訟爲生一遇

小忿輒捏重情紛紛爭告不已及至問理涉虛誣其作訟之人則曰教書先生風俗乖違莫甚於此通行各縣掌印官多方體訪前項教書之人果是健訟馳名者限十日內密切拿獲解府重治以警其餘仍通拘集地方教書者赴縣考試果有學識可取行止端莊令其設教如有鄙夫不通義理又無德行悉皆革退示諭地方不許容留嚴加告戒務使百姓翻然改畷以共成良善之治

一爲查處地方僧道以正風俗事訪得臨川等六縣寺觀僧道數多守清規戒行者百無二三不披剃

簪冠者十常八九名色有僧道之分冠服與士庶無別所以便其出入而與民居雜處肆無避忌以致奸盜詐僞靡所不爲甚或將常住田業蕩費殆盡輒棄寺觀又走他方人民受害有不可勝言者通行各縣嚴督僧道官通將各寺觀僧道無拘老幼盡數查出不問有無度牒僧令披剃道令簪冠衣服各依古製毋與民同及拘到官審其年貌籍貫的於何年出家投禮某人爲師取各親供造冊一本送府一本存縣庶遇事可便查考仍示諭地方居民勿得輕與往來其僧道若不改圖許諸人

捉首赴官重治通取僧道官并各寺觀里隣不致容隱結狀連冊一併繳報文書至日着實奉行毋得故違

一爲禮儀事照得朔望行香習儀拜表等事皆臣子尊奉

君師之常禮雖卑賤如糧里老人異端如僧道猶知所遵依况明着衣冠爲士子者乎本月二十八日進冬至表兩學生員除禮生外絕無一人隨班行禮前此朔望行香其不來者往往十居八九吾不意此先賢踵出之鄉乃見此無君無師之俗也即

出給告示前去兩學張掛曉諭今後朔望行香務令生員晉拜仍聽本府抽籤講書不許頂名代講習儀拜表務要同齊隨班行禮除家貧親老給假出外府教讀書者該學掌印官先期指名開報外其餘若點押不到掌印官拘送到府以憑本府朴作教刑有抗拒不守學規者申來處治此提調官本等職事教官容縱并治不恕

一爲旱災區處小民租穀事近該本府申荒奉巡撫委官前來踏勘所屬災傷已經通行臨川等六縣差官踏勘各具分數申府就經備由申呈合于上

司聽候 奏准蠲免外照得

朝廷蠲免糧稅專爲小民承佃田畝多屬大戶若稅糧從今減免而田租照舊徵輸是小民虛受優恤之名大家實饗常平之利殊非官府仰體

朝廷之意詩云嗇矣富人哀此斃獨訪得崇仁四十五都鄒祥夫婦憂旱同日自縊身死十九都詹舜謨男婦二十餘口憂旱舉家流移蓋此時民惟救死不贍求死不得耳若復有佃主逼勒于其間竊恐鄒祥詹舜謨輩非獨崇仁一縣有之也此雖降災於小戶而亦不利於富家爲此出給告示到

處張掛曉諭軍民人等凡小民承佃田禾近水全
收者照依年前租額交還不許捏作無收希圖減
免其無水有災佃戶許照前項各縣勘過災傷分
數量還富家租穀如以十分爲卒臨川崇仁量還
五分金谿東鄉量還七分宜黃量還八分樂安量
還五分不許富豪殘忍逼勒全徵致使下傷人命
上千天和其一應新舊錢債亦許暫寬期約催取
若有收而小戶推脫全免無收而大戶逼勒全徵
俱敝民也事發定行從重究治不恕
一毀廢佛以崇正道事本職近閱邸報知我

皇上勅命禮部取大善殿所貯佛牙佛骨及金銀
銅像悉搬至盧溝橋上用火銷燬以滅其跡因舉
手加額而嘆曰大哉

皇言一哉

皇心其剛健中正而純粹一至是乎此臣子所宜推
類奉行者也撫城寶應佛寺已承上司明文折毀
而其間佛像神身或有頭無脚或有脚無頭或頭
脚俱折而肚腹張昂或泥皮脫落而木骨繩筋暴
露日曬雨淋莫可逃避時移歲改終屬虛無此佛
運衰替之時也禮曰有其廢之莫敢舉也此不獨

禮當廢之雖本佛有靈亦當慈悲其身之不能善
藏其用而自願滅其跡矣今特十日遣官致祭本
寺土地之靈將前項一應遺像搬至大門之外寬
閒之野一則使其身化爲灰土而飛昇天衢二則
使寺基鞠爲園蔬而施舍利物其塔座鐘樓實係
一城之觀聽則仍其舊而不毀也假使佛如有靈
能作禍福凡有災咎當加于太守之身於爾縣府
人民宜無與也誠恐爾民溺于禍福之說故此特
示爾知昔盤庚遷殷而百姓怨咨作書者乃以爲
皇丕從厥志太守此舉固從爾百姓之志也爾百姓

其母惑母疑故諭

一遣官致祭土地事詞曰盛衰有數雖鬼神不能逃
邪正不同惟明神能自辯寶應佛寺廢毀已久以
致佛像脫落日曬雨淋如佛善化身必願與俱
化矣此神所知也茲特以三牲酒醴奉移爾神於
鍾樓之下即於是日將一應遺像搬置大門之外
寬閒之野使諸天化爲飛土而基地鞠爲園蔬寺
旁遺屋數間約令兩學儒生在此以文會友假使
本佛有靈爾神當諭以盛衰之數而無怨無怒
爾明神有知其牖我儒生之心日就月將使科目

真才接踵而出爾神血食亦無窮矣尚饗

時十五年九月初一日也擬至望日簡七校之英而會校其文藝乃初四日廬州之報到矣不獨諸生失望予亦悵然

[Faint bleed-through text from the reverse side of the page, including characters like '其世' and '其世']

守廬行

議刻軍民賦役冊

十八條又先刻有牧民條約五十條

此冊式汪冢宰宏題准頒天下刊行者其有
功子軍民甚大予在廬刻此至今遵守不失近
舟過江西徐侍御慎先來下顧以嘗為廬節推
有籍于此也却笑福建藩司不知是何官惡汪
為人方其退休即毀此板不知此人可毀此板
不可輕毀也能隨時潤澤之不亦經世一術耶

直隸廬州府為應

詔陳言以裨

聖政以回

天變事奉撫按案驗奉都察院勘合前事備行到府

該知府項查議詳允將稅糧里甲均徭驛傳馬

政商稅課程軍需各類編成卷合刊刻行屬遵行



稅糧

○一稅糧起運存留

查得本府節年擬照先年奉到戶部分撥事例照依各屬原額總數每年府掌印管糧官公同查照原額起運者照常撥派存留者有餘不足計量撥補但起運不等爲價俱重存留不等爲價俱輕各州縣每年派徵糧草掌印官不暇細查俱聽憑各里軍民書手自行分派不分人戶貧富額糧多寡惟賄是視賄多者派存留賄少者派起運以此管年戶長指以打點科歛不貲每遇秋收書手又行

沿鄉打局索取稻穀深爲民害及至騰造賦役冊版經移多改少飛詭百端即今各屬流派之米無主之糧有處二三十石者有處五六十石者貽累里排代納致使訟獄繁興皆是此輩作弊近該知府項喬初任以來訪得各里軍民書手作弊即議行各屬盡數革去止報附郭一二十名有身家者在官凡遇一應造冊書筭計字計日動支府縣無礙官錢給與工食每日銀叁分免致里甲供給科需除軍書手取其所藏軍單底冊收貯官庫聽清軍官約量查照於各排年里長及老人名下比併

外又恐糧草處置無方民書勢難終革今議通將
人戶糧草底冊於今秋編擺均徭審造六則文冊
之日責令各戶知事者查照黃冊實徵所載美對
類總夏稅除五斗以下秋糧除壹石以下馬草除
五包以下係產薄小戶衆証不係詭寄托名畸零
寄庄者盡派存留其餘照依糧草多寡通融均派
如糧壹石該派某項起運若干某項存留若干馬
草幾包該派某項起運若干某項存留若干查筭
明白刊刷小票填寫各項總撒數目分給各戶收
執近年除本色聽其自赴各倉上納外將各項折

色銀兩照票總數類送各州縣投櫃分類起解候
十年大造將新收開除一體扣筭派刊遇有凶荒
本府臨期於各屬有收去處存留糧內改撥起運
如所屬俱荒無收申呈上司議將別府改補

票式

直隸廬州府某州縣為均平糧草事仰人戶某將
該納嘉靖某年分稅糧馬草照依後開數目該戶
有力上門辦納起運貧難力薄者辦納存留如係
折色各門將銀類齊秤兌包封開寫明白投櫃完
日該州縣分折起解敢有收頭人後才踉者執票

赴府告理施行須至票者

計開某戶

夏稅若干

一起運京倉麥若干 每石折銀六錢五分無耗
 一起運鳳陽倉麥若干 本色
 一存留本府永豐六安軍備二倉麥若干 本色
 一存留本縣公廨倉麥若干 本色
 一存留本縣儒學倉麥若干 本色
 一農桑若干 株每株該銀貳釐五毫
 右除本色外共該折色銀若干 每絲銀壹兩許加
 耗叁分

秋糧若干

一起運兌軍米若干 每正一石連加四耗米及過
 江船脚津貼潮潤共收平米一石五斗七升二六
 輕賚及本折色蘆蓆并解樣米赴京盤纏共收銀
 壹錢四分四釐

一起運鳳陽倉米若干 每石折銀六錢無耗
 一起運京庫折料若干 每石折銀四錢無耗
 一存留本府永豐并六安軍備二倉米若干 本色
 每石耗米五升折蓆米二升外量加三升搬運脚
 價共一斗
 一存留本縣公廨倉米若干 本色無耗
 一存留本縣儒學倉米若干 本色無耗
 右除本色外共該折色銀若干 每絲銀壹兩許加
 耗叁分

馬草若干

御馬一起運南京 每包折銀貳分肆釐無耗
 監草若干

一起運南京戶部草若干 每包折銀壹分捌釐
 一起運京庫草若干 每包折銀叁分無耗

一存留六安州軍儲倉草若干 每包折本色米五
 升無耗

一存留本府永豐倉草若干 每包折米五升無耗
 右除本色外共該折色銀若干 每絲銀一兩許加

耗叁分

右給付某戶

准此

嘉靖 年 月

日

票

里甲

○一排年順甲銀兩

查得本府各州縣委官同均徭編審酌量丁糧貧
富定銀各類造冊二本送府鈐印一本發縣一本
存府立限將順甲銀徵完貯各州縣庫每年凡遇
額辦坐辦雜辦俱該本府掌印官查照各冊據以

合用銀兩扣筭人戶起止截數帖去方許動支今
據無為州開稱額辦錢糧係一定之數坐辦有年
派取一二千兩者有年止派四五百兩者有年不
徵辦者嘉靖十年以前每年審銀二千三百五十
兩則守一二年扣支不到近年止審銀一千八十
兩則又不敷如雜辦四年三貢并監生復班盤纏
三年閏月食鹽鈔銀孤老布花等項各年多寡難
定六安州舒城廬江英山等縣亦稱坐辦及雜辦
不敷申請挨派下年加增或再於見年加派或請
於官庫別項銀兩代用等因據此卷查坐辦多少

不常雜辦增減不一舉人進士坊牌會試盤纏銀兩雖有定數原無定審歲貢復班盤纏閏月鹽鈔一遇加增併於一年致里甲有偏重之苦抑或地方荒歉則困窮其受鞭笞官司坐視無措權移代派不允滋弊今議三年之內約定坊牌舉人進士共八名均於八屬每名該審銀一百二十兩八名共九百六十兩如該科所中數少剩餘銀兩聽候兩京增派取用歲貢與復班兩州均作三年六縣均作二年閏月鹽鈔亦通作三年帶徵孤老惟以今次所開數目爲約以後量爲收除計額辦料銀

二千三百九十二兩八錢五分五毫六絲二忽二微七塵五纖六縵坐辦料銀五千二百四十五兩八分七釐二毫五絲二忽雜辦坊牌祭祀等項一千九百二十四兩七錢五分九釐七毫九絲九忽除額辦雜辦外坐辦料銀五千二百四十五兩八分七釐二毫五絲二忽今計闔府二百九十六里不拘衝要簡僻通融均派每里該派銀一十七兩七錢一分九釐八毫九絲每年各州縣俱聽委官一同均徭研審查照各里戶則丁糧高下通將前項應派銀數從公通融均派除戶絕拋荒及流糧

不論外各里戶則丁糧多者派銀亦多戶則丁糧少者派銀亦少明白造冊要見本州縣該徵銀若干每里若干每人丁該出銀若干每糧一石該出銀若干照依稅糧前例刊給小票填寫某戶若干令各戶收執照票銀數秤兌投櫃不許額外多派分文或不時奉有勘合派取者該年里甲支銷盡絕申府呈詳上司加派

○一見年里甲夫馬

查得無爲六安合肥舒城霍山廬江馬匹俱是見年里甲照依丁力登耗買辦上中下馬騾每匹日

出銀六分或七分令甲首供給草料喂養輪差惟英山縣照繁縣各年丁糧買辦巢縣衝要亦止二十里每里十甲首朋買正差馬一匹里長又自買貼差馬一匹後滿各自領回變賣或聽其隨便歸併此馬惟取脚力強健不誤走差足矣不必擇取毛色竒偉以起勢要坐索高價亦不可聽信勢要囑託將矮小不堪者掙與里甲承買通照巢縣獨是一里兩馬疲弊委果可憐但斟酌時宜似難輕議惟夫差則有可議者如合肥附郭舒城衝要先年定議偏僻無爲六安各夫銀九十五兩廬江英

山各七十五兩霍山縣六十兩共銀四百兩均發
合舒二處協濟今查巢縣廬江原俱裁減衙門近
日江西湖廣兩京往來使客因避長江之險皆由
巢縣廬江以達安慶九江是亦可謂衝要迎送夫
馬之費亦類合舒合將無爲夫銀九十五兩撥給
巢縣供助夫役廬江七十五兩免解照舊派徵供
應本處其餘二百三十兩仍給一百三十兩協濟
合肥一百兩協濟舒城方使夫役適均每年各照
數於里甲銀內申扣聽用但各州縣撥雇夫差事
體不同有令里甲輪日聽憑造化多寡日滿即推

不顧者如英霍等縣是也有照該用夫數臨時票
定里數起止令其各自出夫答應者無爲六安等
州是也有照丁徵銀在官給各鄉頭收管臨時照
票官爲雇夫者如合肥舒城等縣是也然此皆是
見年里甲出辦於排年里甲無與也惟廬江嘉靖
十四年去任知縣王馴因見見年里甲支應不給
申請暫令排年里甲每人丁三十丁一丁幫助本
非常法至今排年夫銀半歸奸宄囊橐見年里甲
不得毫釐幫助弊政莫此爲甚已經巡按蘇 按
臨訪出見年盡革外爲照夫役輪日撥差聽憑造

化多寡官司似無私心矣不知官司所以平民不
平爲民造福者也乃使民聽憑造化而多寡不得
其平可乎非獨小民敢怨而不敢言且今日未蒲
已圖解使去已日方蒲即欲推以與人非所以教
民禮讓而代者未至動且誤事必矣此法不可行
也其臨時票定里數起止令各里各甲各自出夫
荅應者在偏僻縣分上司罕到去處猶可若合舒
巢廬等縣使客往來不時旦夕不期而至非獨使
此輩一年強半在城尚不免於督責且使過客阻
礙行程誰之耻也惟照丁徵銀在官令各鄉頭收

管照票官爲雇夫者似爲可行但稅糧不編夫差
貧丁未免獨累鄉頭原無職後守支豈無侵欺况
銀徵在官出納未免刁蹬倘有官司侵尅小民孰
敢誰何皆非經久可行之法也今議該秋審編均
徭之時將見年里甲在冊丁糧盡數查出除絕戶
拋荒及無主流糧不計外其餘每糧一石折丁一
丁併與人丁通融扣筭有單丁無一毫田糧而手
頭閑熟生意不窮者亦審實量折幾丁一體科派
有糧存而事產屬下則者亦爲量免仍查照各州
縣節年支應簿籍牌票校取一年適中者爲率周

年共用夫若干名每夫一名日該銀若干分周年
共該銀若干兩由是通計槩州縣見年里甲丁糧
每人一丁糧一石周年該科銀若干惟合肥舒城
廬江巢縣各儘府給協濟銀兩尚該添編若干各
州縣通合一年所用之數委官定給丁糧銀數小
票各戶照票兩季上納各擇有行陰陽醫官或義
民典膳人等秤收掌管掌印官給以循環收支文
簿二扇號票若干張半印鈐記臨時查照票號與
簿相同如數答應附簿如某日為某官雇夫若干
支銀若干某日該州縣差人往某處幹某事支銀

若干無印之票不許應付開報倘有多收少支許
各戶各夫赴府直告重治歲終或有支剩贏餘留
作上司花紅紙劄等費亦開註循環不許無名花
銷其答應執事皂隸各州縣即於前項夫銀內雇
差經該人等月終將簿票類繳夏冬二季終各將
簿票入遞送府查考此外公堂監庫及各官私衙
更夫盡令空閑民壯更番守宿不許重科里甲夫
差庶出納有稽而里甲無不均之患矣

○一見年里甲支應

查得無為六安合肥三處在城里分免買腳力馬

匹走迤專一供辦往來使客支應其餘州縣里分
既少馬亦不多以故馬匹支應不論鄉市均之如
舒城支應每年約用集銀九十六兩令人收掌買
辦巢縣近亦徵銀老人收支廬江二十里攢爲五
總里輪流值月英山霍山二處各里輪流值日均
謂之聽命承當今議支應比夫差所費頗寡俱聽
照舊答應舒城巢縣亦許攢總不許徵銀該州縣
立上中下有印號票上號不許過三錢中號不許
過二錢下號不許過一錢五分一遇使客經過票
發各里自行答應月終該州縣類查計總於簿夏

冬二季終併票入迤送府稽查庶爲民便

均徑

○一銀力差後

查得本府均徑銀差四百九十二後該銀四千五
百九十四兩照依定數審解各衙門已無增損力
差其間有額銀數少費用却多者如本府直堂弓
兵皂隸四十二名庫子一十二名每名原後銀六
兩承役之人科至三四兩快手四十九名每名
原後銀七兩科至五六兩禁兵二十名每名原
後銀七兩二錢亦科至四五十兩究其所由蓋因

廬俗懶惰成性積弊索取頂頭鄉民見官如鬼有
後不願親當市棍狐假虎威受募不肯終後兼以
官司罰取紙米戶長偏手尅落其費用雖欲不多
不可得也欲將前弊頓除止照原銀追給又恐應
當不過私費反多近該知府項喬計其用度酌以
時宜議將本府皂隸革去一十二名存番三十名
每名歲定工食銀一十二兩快手革去一十六名
存番三十三名每名鞍馬工食銀三十兩庫子革
去四名存番八名每名油燭茶炭工食銀一十六
兩禁兵革去四名存番一十六名每名刑具工食

銀二十兩通行州縣告示各戶俱照今次定數出
辦每年二季將銀解府或令自當或令雇役有私
下多取分文者重治及查無爲六安二州稅課局
舊定巡攔歲各八名每季稅銀止于數兩亦各革
去四名合肥縣皂隸一十二名革去二名快手二
十名革去四名禁兵十名革去二名舒城縣快手
二十名革去六名巢縣公館一座即坐高井驛隔
壁合革去門子一名責令該驛帶管其存番各役
工食銀亦照今定數目共計革去冗差五十九役
以後永爲常規不許妄意增復仍至殃民其無爲

州屬泥汭巡檢司原額柴力弓兵壹百名今柴洲已不得利而額戶半皆逃亡已經申革改定該司弓兵六十名俱於均徭戶內輪編六安州屬千羅巡檢司原額弓兵三十名該司路非通要議請革除今無為增編前後合於六安分審但隔寫遠擬將無為州舊定應審本府直堂弓兵六名快手五名改於六安州代編泥汭司弓兵俱本州僉役通計力差壹千五百二十八役每年編審之時以三等九則銀差力差為準擇委廉能官員查照巡撫周條約一款遵依施行仍查節年舊編冊籍總

計該州縣銀差該銀若干力差該銀若干該年丁糧若干除優免鄉宦舉人監生生員省祭人等外見該若干照依上年每人一丁出銀若干每糧一石出銀若干今該空閑人戶若干將空閑者一體通融從輕科派庶寬一分民受一分之賜然銀力二差大抵惟力差尤重如金斗護城等七驛館夫見經議定徵銀解府發驛按季咨應開報循環餘銀解府作正支銷固為美政但經過公差人等牌票數多支應難辭開報難盡者官吏豈肯陪補往往不免轉責辦於鋪陳庫子及驢馬頭等咨應他

如各學庫役斗級要皆所謂額銀少而費用多者必將庫子及驢馬頭快手等各坐定丁糧財力上上之家編當丁田財力稍少者編與中差又稍少者編與輕差照三等九則造冊丁糧財力多者上則在前少者下則在後非獨各項解戶照此僉撥一應站馬水防夫役養馬養牛等項由重而輕以次均派則丁糧多者獲重差丁糧少者得輕差附籍寄庄及畸零人戶照糧止編銀後即有餘剩無差之人亦丁糧之最下例不該者不在科筭仍禁各衙門不許仍舊科罰紙米及見面常例戶長偏

手侵尅者查出重治其十年之內買賣田糧未經過割止許賣主照糧取貼不許私自推收如此民方受惠

驛傳

○一驛遞錢糧

查得無爲合肥等八州縣驛傳錢糧已經本府於嘉靖九年定議於實徵秋糧起科站糧上馬一匹站糧五百石集銀四十二兩中馬四百石集銀三十八兩下馬三百石集銀三十五兩三錢三分驢一頭六十四石七斗集銀一十七兩六錢六分五

鰲水防夫每名三十四石六斗集銀一十二兩就於該年應後馬頭相應內戶僉點經收徵完解府查給買馬送府印發走遞鞍轡草料俱馬驢頭自辦五年一輪十年一審其馬驢頭住居窻遠或願雇附近居民者聽但不許用強包攬亦不許州縣徵解過期至今應役之人借債貽累其馬到府請印之時惟取脚力強健不貴毛色奇異本府親驗仍取馬牙結狀估定馬價多少通行告示馬戶照數還銀以防攬戶爭先請印索取高價之弊其馬估過若即倒失連坐馬牙同陪其浙江馬價每年

照舊呈請巡按察院明文差官關領到府查給每年上馬扣鋪陳銀五兩中馬扣鋪陳銀四兩下馬扣鋪陳銀三兩三錢三分驢鋪陳銀一兩三錢三分三釐扣貯府庫每三年聽巡按察院差官查盤各驛鋪陳損壞俱送府再驗或上為中改中為下其應新置者節年俱令殷實大戶領銀赴蘇杭承買近蒙巡撫周 議准差有職官員領買庶免府州縣官侵尅及各大戶陪補等弊甚為民便已無別議但本府及巢舒有驛縣分三年一次更造原有定數其無驛州縣合用鋪陳原無定數今量地

方無爲六安州英山霍山四州縣偏僻每年各派鋪陳銀一十五兩廬江縣衝要每年鋪陳銀二十兩俱於里甲項下銀內申支併同各驛每三年一次本府置造印發損壞一體送府驗變

馬政

○一馬牛頭匹

查得無爲六安合肥舒城廬江巢霍七處免徵糧攢額養種兒騾馬四千三百七十四匹始以一兒四騾配爲一群孳生每群五年一次輪流一駒起俵其餘所生駒數聽民變賣近例不許在官收銀

生事外惟本地所孳生馬匹矮小薄弱不堪起解先年議定分爲本色折色每年共該備用大馬八百七十五匹通於原攢免糧每騾馬三百畝兒馬二百畝俱照畝徵銀共一萬六千六百六十兩折色每匹銀十八兩徵完赴府倒文解部本色銀二十兩給與馬頭自買大馬解俵各州縣各差官一員同本府管馬佐二官部解近蒙巡撫周議奏准行本府備用馬匹通徵折色至十八年再議甚爲民便又該知府項喬查得州縣管馬官員嘉靖十年奉例裁革逐年俱行佐二官管部例不許改

差陰陽義民土官今查備用馬巢縣止三十八匹
霍山止六十九匹二處原係裁減衙門止是一知
一與合將巢縣併附無為州霍山縣併附六安州
各部馬官帶解其舒城合肥廬江三縣折色亦併
一官挨次輪流管解夫馬盤纏所省似多已經申
呈詳允以後年分部解本色馬匹者各照舊差委
不為常例又訪得管馬官以點馬為名不顧道路
遠近守候艱難專一索取群頭醫獸馬戶見面紙
價常例其群長醫獸等人原止為馬而設非犯罪
做工人也不係點解之期各官雜泛差占則擬令

管馬官員止許交承起解之時兩次查點點畢即
將醫獸人等發回不許差占其一遇馬匹倒死告
官掌印及管馬官發帖相視吏胥群長醫獸上下
使用先要銀五六兩之數方得回復至於補種前
馬又係該戶自陪則擬倒死馬匹就令本告具告
狀供狀結狀三紙一齊赴校掌印官處發房附卷
就准查群內孳生馬駒量給價值頂補其解俵大
馬起身之時節年赴府點驗每匹先科使用銀二
三兩打點該房等處况當酷暑守候人馬俱困然
而本地所點解俵之馬多是一時虛借影射之數

應點之後却被久慣馬販用強包攬代解以致月
久不獲批單致累家屬監併則擬起俵之時上赴
管馬官驗實徑自輕身赴府倒文聽從民便寫解
惟不許用強包攬批單不獲并監馬販家屬其各
州縣馬頭俱是房保保領以致此輩索財打局害
民則擬徵收免糧止許差群長督催馬戶自行投
櫃上納不許立房保名目亦不許令該吏自收以
上有故違者定重治不恕

○一牧馬草廠

查得無爲合肥等七州縣草廠共五百零五處各

科不等每年共該租銀八百五十四兩五錢一分
八釐三毫九絲三微六纖俱於承佃人戶名下徵
辦近奉兵部劄付議將前項廠租銀兩如該年起
俵大馬一百匹存厰一百兩收貯府庫備賑餘銀
每年附部馬官解送兵部交收

○一牛種犢價

查得無爲六安合肥舒城廬江巢霍七處該徵糧
撥額養犍母牛二百八十三隻每十丁朋養一牛
每三年科犢一隻變價銀三錢共該銀八十四兩
九錢解赴南京太僕寺轉解

課程

○一商稅課程

查得各州縣戶口食鹽錢鈔除起運者照依京價扣銀解京聽憑隨便上納本折色外其存番及各稅課司商稅近年俱徵本色錢鈔准作各官軍折俸之用本地非係出產往往責令至南京等處買辦致使解戶以有用之銀兩易無用之錢鈔方克完官官吏領無用之錢鈔而轉易有用之銀兩殊不濟事除將見收府庫錢鈔數十萬照舊支與官軍外其各州縣各稅課司以十六年春季爲始凡

存番戶口食鹽商稅俱要照例每錢一千折銀一兩四錢三分每鈔一千貫折銀六錢依期解府聽本府以前錢鈔放盡之日將銀給與官軍前件先年曾經申准合當爲定規

○一圩塘課鈔折料

查得無爲廬江巢縣三處原額課程漁油翎鰓折納生熟銅鐵觔角麻翎共一萬一百二十七斤根二兩二錢一分六釐各折不等共京價銀五十九兩二錢六分四釐八毫四絲每年俱附疇襖解戶帶解工部交納

○一歲辦額料

查得無為州官池焦湖河泊二所周歲額辦銅鐵翎鰓等料共一十五萬二千五百六十六斤根一十一兩五錢九分三釐八毫各折不等共銀六百九十二兩七錢四分四釐四毫四絲二微五塵每年各所輪流漁甲各一名管解工部交納

○一洲地課銀

查得無為邊江蘆洲課銀共二千一百四十一兩九錢二分九釐八毫一絲三忽九微七塵每年差委義民一名徵收解府倒文轉解南京工部交收

軍需

○一廬六二衛軍需銀一千二百三十四兩二錢三分一議徵各項銀兩

○查得本府各州縣稅糧里甲均徑驛傳馬政課程等項詳議總數每歲稅糧七萬六千八百三十二石五斗九升一合二抄五撮七圭四粟九微起運四萬七千三百八十一石五斗八升一合四勺四撮存留二萬九千四百五十一石九合六勺二抄一撮七圭四粟九微農桑絲絹六百八十七疋二丈五尺三寸一分八釐三毫馬草九萬八千六十

八包一十三斤六錢二分八釐五毫八忽起運八
萬包存留一萬八千六十八包一十三斤六錢二
分八釐五毫八忽里甲額辦坐辦每歲七千六百
三十七兩九錢三分七釐八毫一絲四忽七微七
塵五纖六渺雜辦銀一千九百二十四兩七錢五
分九釐七毫九絲九忽均徭銀差四百九十二役
共徵銀四千五百九十四兩力差除革去外共一
千五百二十八役共約計編銀一萬三千六百六
十一兩六錢驛傳僉外府滁陽大柳等驛銀一千
一百三十七兩二錢九分僉本府金斗梅心等驛

銀三千七百九十兩七錢九分五釐馬政中備用
大馬八百七十五匹共該銀一萬六千六百六十
兩以上各項錢糧除例該本色外其餘一應折色
銀兩該知府項喬訪得各州縣有令庫子收者有
令大戶收頭收者有即令該吏收者如銀一兩明
收火耗或一錢或二錢經收人又用大等分外重
加一錢有餘以致正銀一兩有納至一兩三四錢
者若止一兩一二錢小民即德色以爲公道州縣
官亦襲爲故常而不知革今議俱照依稅糧前例
各戶給以應納各項銀數小票每正銀一兩量加

火耗不過三分之一遇徵收之期設立銀櫃竅其上
方安頓州縣廳堂兩傍着有行吏農或義民看守
儀門外設公平天秤一副令陰陽生看守納戶自
將銀兩同該圖里長驗係足色先於門外秤兌明
白自行包寫某圖人戶納某樣銀若干計幾錠幾
塊堂上對冊相同納戶親手投櫃守櫃人役註銷
簿冊前件官為硃筆註寫由票某月日收訖付納
戶執照每日正官間掣一二封以驗平準遇晚簿
冊送掌印官查過銀櫃入庫着庫子看守仍嚴防
吏胥人等抵換之弊明日亦如之月終將收過花

戶數日申報本府立限徵完應起解者每五十兩
加耗五錢與佐貳官眼同傾成一錠起解應貯庫
者聽支傾銀之時查出納戶銀色低假及分兩不
足加倍罰該圖里長陪補以上著為定例州縣有
不奉行者本府以貪污填註考語仍申請撫按劾
治

○一議僉各項解戶

查得本府八屬州縣夏稅起運四千石舊定解戶
京倉八名鳳陽倉八名揚州倉四名存留五千八
百八十三石一斗六抄八撮一圭二粟本府州縣

學倉解戶一十六名京庫農桑絲絹六百八十七
疋二丈五尺三寸一分八釐三毫解戶八名秋糧
起運四萬三千三百八十一石五斗八升一合四
勺四撮解戶京倉兌軍一十五名鳳陽倉一十八
名存番二萬三千五百六十七石九斗九升五勺
六抄六圭二粟九微本府州縣學倉解戶一十九
名馬草起運八萬包京庫解戶二十四名俱於花
戶經收各役僉解胖襖褲鞋三百三十九付并雜
料併僉解八名核桃銀杏等價銀二百四十二兩
七錢解戶一名黃蠟芽茶等價二百九十六兩解

戶一名以上俱一年一次肥豬綿羯羊價銀八百
六十兩每半年一次共僉解戶二名戶口食鹽錢
鈔起運四十萬一千四百六十二貫七百五十文
存番四十萬一千三百五十八貫共解戶九名白
硝麈皮料銀一千五百兩解戶一十一名柁木料
銀一千五百兩解戶一十一名綾紬白綿荒絲料
銀一千五百兩解戶一十一名成造家火料銀一
千五百兩解戶一十一名每三年或二年一次坐
派前項各料俱扣里甲官銀解交近該知府項喬
到任之初見得地方凋弊差役頻繁惟解戶一事

爲害尤甚如麂皮柁木價共銀三千兩舊該僉解
戶二十二名查得各役每名指倚盤纏科派使用
少不下三四十兩多或至百十餘兩大約不下千
有餘兩夫所解不過三千兩所科盤費不下一千
餘兩罄生民之膏血恣光棍之侵漁殊可痛也似
此繁役合當減併已經定議通行州縣除稅糧馬
草桑絲合用經收不減外其餘起解料銀務要足
色每五十兩量加火耗銀五錢傾成一錠印封解
府原封貯庫集至三千兩左右總僉上上戶解戶
四名類解食鹽錢鈔每年亦總僉上解戶二名求

爲定額以上各項解戶十年一次編審今嘉靖十
六年正該造冊之期已經知府項喬爲革宿弊以
均徭役事議申巡撫周 及巡按蘇 准令於該
年審編均徭之時坐委各州縣廉能官員將賦役
人戶審定上中兩等先儘上等上上中上下三
則次及中上中中下三則順序編造六則文冊
本府仍委清白府佐等官覆實造冊三本一本該
州縣備照一本送巡撫都察院查考一本送府正
官封貯遇有陞調隨印交收凡點僉徵解大戶俱
自掌印官酌量前項各起錢糧輕重所至倉庫遠

近於前冊前件下親筆差註不由州縣不假吏胥各戶固無避重就輕之弊每年輪委州縣管糧官一員總部各戶親丁領解或有過限即併家屬亦無侵欺包攬之弊其備用馬匹各有椿頭歲辦天鵞活鹿自有捕戶額辦虎皮弓兵輪解漁油翎鰓併附胖襖解戶官池焦湖二所油麻俱係漁甲管解並不在六則人戶僉點之限不許紊亂

○一設法稽查糧料

查得各州縣一應應徵應解夏稅秋糧農桑免畝站糧犢價廠租課程及歲辦并坐派物價各開總

數并該年點去大戶姓名類置循環一樣二扇各起項下如未解者開具已徵若干未徵若干起解者開具領批日期已完者何年月日取獲批單其均徭里甲亦置循環二扇以該年額數爲總以支解爲開除以未支解爲實在實在項下分別已徵在庫若干未徵在民若干各按季送府倒換查考比併如此庶完欠有稽勤惰可考人心亦知警畏矣

○一議放官軍糧銀

查得廬六二衛官軍本折色糧銀俱在本府關給近該巡撫周 查得各府衛分弊病多端按月造

冊不免工食重費且詐冒卒難查對已經行府立
定格眼文冊查照放支今該本府遵依查造分別
城操運糧各項上寫本衛官軍襲替充發畧節十
二格備十二月如有事故就該月格內開註後月
不費查對如有補後於該月格內開記後月不須
另造俱要印蓋以防洗改放糧官於後結總增減
叅諸前月則有無情弊一覽可推每月終旬行衛
取該衛花名總冊掌印指揮千百戶經歷司各官
真正印信結狀送府磨對無差各填根眼文冊備
行管糧官齎冊同該衛委官將該給放糧銀公同

唱名給散有臨時事故點名不到者即將糧銀扣
除還官於格眼內填註按季將放過扣還月分官
軍職名并本折色銀糧數目備造文冊二本一本
牒堂用印入遞申繳本院一本徑自送府稽查仍
嚴督吏胥人等不得通同受財作弊此法合當守
為定規

○一議處附籍官軍

查得廬州六安鎮南橫海等衛軍民置民田寄庄
各州縣如遇均徭里甲之時除人丁不論外其餘
一應田糧僉派銀差出銀一體與民均當若假托

差徭規告遠祖係某官軍義男女婿希圖脫軍為民者查例重治

查得... 案據... 據... 呈... 詳... 奉... 批... 欽此



WEN HOU LIBRARY